

Flash Notes

Pathology | chapter 9 & 10

كلام كدا في الاول ملخصه رئيس القسم مش هو اللي بيحط الامتحان دا بيبقى لجنة كدا اقل حاجة ثلاثة وبيقدموا الاسئلة لرئيس القسم .. وماينفعش سيستم كامل يتلغي ..

CARCINOMA OF PROSTATE

دا من اهم مايكون ، اكتبو عليه **category A** ..
لو جيت قولتلي اذاكر موضوع واحد في الشاير بتاع ال diseases of the male genital system هقولك موضوع ال BPH.. benign prostatic hyperplasia هو اهم واحد يليه carcinoma of the prostate

اكتبو عليها cat A ... نظري وجار مفيش سلايد و case و class A... اسطمة السرطان ..

Definition

مين يقول ال definition بتاع ال carcinoma of the prostate اللي هو ماخدوش؟
...primary malignant neoplasm arising from prostate
بعد ال definition لازم تقول فيه ان دا commonest malignant tumor in elderly male اشهر سرطان في الرجالة العواجز .. لان كل ما الراجل بيكبر بيزيد ال incidence ان يجيله carcinoma of the prostate .. لدرجة ان هم بيقولوا theoretically ان اي راجل سنة فوق ال ١٠ سنة لازم يجيله carcinoma of the prostate .. لان حضراتكوا ال carcinoma of the prostate is androgen dependent tumor .. الراجل لما بيكبر بيزيد عنده ال Dihydrotestosterone اللي بيشتغل ع ال posterior lobe فلانم يجيله carcinoma of the prostate .. مفيش راجل يعدي ال ١٠ سنة الا لما يجيله carcinoma of the prostate ..

Etiology

اي سرطان بنقول ايه ال etiology ؟ the exact etiology is unknown however
the following are predisposing factors .. ال age above 60 هنا لان بيبقى للسن الكبير .. ال sex.. male ، هنا بقى ماتقولش v: more common مانعلقش ..

VISIT...

LANZAROTE
Caliente.COM

ايه اللي يغلس ؟ ال androgen ..

Pre-malignant lesions in prostate:

ولكن حاولوا انهم يكتشفوا سرطان البوستاتا في مرحلة carcinoma in situ ولم ينجحوا فقالوا ان فيه حاجة اسمها ال PIN اللي هي pre-malignant lesion مرحلة ما قبل السرطان، كانوا عايزين يكتشفو سرطان البوستاتا اللي هو اشهر سرطان للرجال العواجيز في مرحلة ما قبل السرطان .. ف كل راجل عجوز كباره قالوله تعالى عندنا كل ٣ شهور .. ولما يبجي عندهم يعملوا فيه ايه .. يبصوا على ال rectum، يروحو مدخلين فيه حاجة زي الصباع كدا وبعدين تطلع ابرة وياخدوا ٦ عينات من ال prostate يبصوا عليها تحت الميكروسكوب فلو ملقوش عنده PIN يقولوا تعالى عندنا كمان ٦ شهور نفحصك كدا تاني .. فهو اكيد مابيجيش فلم ينجحوا ..

ال pre-malignant lesion حاجة اسمها ال PIN يعني ايه PIN ؟ prostatic intraepithelial neoplasia يعني معناها خلايا ال prostate اتجننت بس له ماخرمتش ال basement membrane على وزن ال CIS (carcinoma in situ) .. ولكن في ال prostate لم ننجح في اكتشاف السرطان في هذه المرحلة نظرا لصعوبة اخذ العينات.

وزي اي Carcinoma in Situ الخلايا فيها criteria of malignancy زي pleomorphism, hyperchromatism, increased nuclear cytoplasmic ratio & prominent nucleoli ودي اهم كلمة .. اكثر حاجة في ال prostatic biopsy تعرفنا ان دي PIN هي prominent nuclei واهم حاجة خرمتمش ولا مخرمتش ال basement membrane ؟ مخرمتش، هل نجحوا في اكتشاف سرطان البروستاتا في هذه المرحلة؟ لا، وان كان نجحوا في ال cancer cervix.

عندنا كدا تاني pre-malignant lesion اسمه atypical adenomatous hyperplasia ... ال atypical adenomatous hyperplasia دا اللي مكتوب رقم ٢ .. دا الاسم القديم بتاع ال PIN .. لان بينزلكوالسؤال في الامتحان كدا: enumerate ال pre-malignant lesions in carcinoma of prostate بـ ٤ درجات .. اول واحد PIN وهتكتب رقم ٢ .. atypical adenomatous hyperplasia مع العلم ان ال atypical adenomatous hyperplasia هي الاسم القديم بتاع ال PIN لان مفيش الا premalignant lesion واحد .. لكن زمان كانوا بيسموه atypical adenomatous hyperplasia ..

Pathology

Site

مين الحثة اللي يطلع منها سرطان البروستاتا؟
ال peripheral lobe فقط .. اشمعنا؟
لان دا مافيهوش estrogen receptor ، بيشتغل عليه ال dihydrotestosterone فقط ..

مش هنتكلم عن ال gross ازاى ..

حاولوا اكتشاف سرطان البروستاتا بال tumor marker وهنا عليك .. اول tumor marker استخدموه كان اسمه **PSA** ، حد يعرف يعني ايه؟ يعني prostatic specific antigen وال normal value بتاعه من ٤ .. ولكن ماكانش specific ، يعني هل مافيش حاجة في الطب تزود ال PSA غير carcinoma of prostate ؟ لا ، لقوا الناس اللي عندهم ال BPH بيزيد عندهم ال PSA ، حد يعرف ليه؟ هو ال PSA موجود فين؟ Prostatic cells فلو ماتت ... تموت ليه؟ .. لو فيه infarction اللي هي common في ال BPH تزود ال PSA .. فبالتالي ال PSA يزيد specific for prostatic carcinoma ؟ لأ فدورنا على marker تاني ...

لقوا marker اسمه **acid phosphatase** حد يعرفه ؟ دا بردو بيطلع من ال prostatic cells بس بردو مش specific .. فقالوا هنعمل الاتنين مع بعض ..

اي راجل عجوز فوق ال ٦٠ سنة نجيبه كل ٦ شهور ونعمله PSA و acid phosphatase لو طلعا عاليين ناخذ منه biopsy .. طلع normal نسيبه في حاله .. مفهوم؟

ولكن خلو بالكم دي مش مكتوبة عندكم ، clinically لو راجل عجوز لقينا عنده ال PSA عالي وال acid phosphatase عالي وال alkaline phosphatase كمان عالي معناه ايه ؟ معناه ان دا مية في المية carcinoma of prostate وبعث metastasis في ال bone ليه؟

لان ال prostatic cells بتطلع acid phosphatase ودا لو طلع جوه العظم بي stimulate العظم انه يطلع alkaline phosphatase ودا كالسيوم يخلي العظم اقوى من الطبيعي ، والكلام دا قولناه في الترم الاولاني .. all bone metastases are osteolytic يعني تكسر العظم ماعدا metastasis from carcinoma of

osteoblastic .. prostate is osteosclerotic .. مفهوم؟

كل السرطانات لو بعنت في العظم تكسر العظم ماعدا سرطان البروستاتا لان بيطلع ال
acid phosphatase اللي بي stimulate العظم يطلع alkaline phosphatase

Grossly

بصوا معايا ..

هي ال prostate دي solid organ ولا organ ليه mucosa ؟
solid السرطان باخد شكل واحد اللي هو .. infiltrating hemorrhagic
necrotic friable mass لونها greyish yellow وبالتالي هل بنعتمد على ال gross
picture في تشخيص سرطان البروستاتا؟ لأ بنعتمد على ال microscopic picture ..

Microscopy

البروستاتا دي gland، ايه السرطان اللي يطلع من gland ؟ adenocarcinoma .. سواء
well differentiated .. moderately differentiated .. poor differentiated

ولكن لقوا ان العلاج لا يتناسب مع هذه التقسيمة .. يعني معناها ان هو مش بيعتمد على
ال differentiation العادي، ففيه عالم امريكاني مطلوب منكم اسمه .. اسمه
Gleason ... دا قسم سرطان البروستاتا تحت الميكروسكوب ل ٥ انواع .. أو خمسة grades ..

Gleason classification

جليسون قسم سرطان البروستاتا اللي هو adenocarcinoma ل ٥ انواع من الحلو
للوحش ..

قالك **grade 1** بيبقى السرطان عبارة عن small uniform acini و closely packed
مش هو adenocarcinoma؟ بيبقى عبارة عن malignant acini ... closely packed
small uniform معمولة من single cell layer ..

هو في ال prostate ايه الفرق بين normal acini و malignant acini ؟ ال normal
acini معمولة من 2 cell layers: inner columnar & outer myoepithelial
.. لكن هنا حضرتك دا سرطان هيبقى فيه myoepithelium ؟ هتكون مخرومة ..

فقالك والله لو لقيت السرطان عبارة عن closely packed uniform acini و single

cell layer يبقى دا grade 1 احسن نوع.

grade 2 .. هنا الخلايا بتبقى فيها loss of cohesions يعني بتبقى separate مش closely packed ، بدأت ال acini تبعد عن بعض .. مش كلها نفس الشكل .. مش uniform ، بدأ يبقى فيه صغير وكبير يبقى دا grade 2 ...

grade 3 ال acini بتتكاثر اوي فيبدأ يظهر papillae جوه ال acini ال malignant .. وبعض ال papillae بتلحم فيظهر زي المنخول cribriform ...

grade 4 يبدأ ال malignant acini تلحم في بعض يعني يحصل fusion of this malignant acini

ونبدأ نشوف جوا بعض الخلايا clear cytoplasm ، ودي كان gleason بيسمياها hyper-nephroid pattern له hypernephroid ؟
تشبه خلايا ال hypernephroma ، اشهر نوع من ال hypernephroma أو renal cell carcinoma كان اسمه ايه ؟! Clear cell type .

آخر نوع أو **grade 5** مفيهوش acini خالص ، بتبقى عبارته عن solid masses ال center بتاعها بيموت فيدينا منظر اسمه ايه؟؟
comedo ... هتاخدوها في ال breast لان كلمه comedo تعني حب الشباب.

Gleason قسم سرطان البروستاتا لخمس انواع ولكن هل يعقل في اي سرطان اني اشوف شكل واحد؟؟
لا ... فراخ Gleason عمل حاجه اسمها **Gleason score** ايه دا بقي؟

قالك والله هشوف الراجل اللي عنده سرطان البروستاتا ال most 2 common grades عنده ايه؟ يعني هو عنده سرطان بروتاتا، جميل .. هيشوف حضرتك كل tumor ايه اكثر 2 grades موجودين.

for example: لو لقيت أكثر 2 grades <--- grade 1 & 2 يبقى ال score بتاع العيان دا 3 ، نجمعهم مع بعض طب قدر very rare ان هو كان شكل واحد، نروح جامعينهم علي بعض، يعني 2 + صفر .

وراج مقسم Gleason سرطان البروستاتا في ال score ل 3 انواع:

لان دا اللي هياعتمد عليه علاج الانسان:
قالك والله لو لقيت low score يعني well differentiated .. من كام دا ؟!
مجموع ال score من (2-4) ساعتها دا احسن نوع .. عارفين ازايا؟؟

عيان عنده سرطان بروتستاتا ال score ٤ علاجه ايه ؟
استئصال both testes ، بيشيلوا both testes ويسيبوا سرطان البروستاتا فسرطان
البروستاتا يخف.

فاهمين اللي انا بقوله؟ .. بيعملوا castration لان ال tumor دا بيبقي androgen
dependent

ودي اللي بتطلع في التليفزيون وتعمل مشاكل للدكاتره .. يبغي عيان ويطلع مع المذيعه
وتقول في مسلسل اخطاء الاطباء (هي بتقول كده) ... معانا محمد يحيى قصه ابو محمد ..
يقولهم ابويا جاله سرطان البروستاتا تقوله يا حرام وبعدين ... يقولها راح عند الدكتور فلان
فراح مشخصه سرطان البروستاتا .. اثناء العمليه عشان عنده شغل كثير ومش مركز دخل
ابويا وبدل مايشيل السرطان بتاع البروستاتا الدكتور يسببه ويشيل ال testes بتاعته.
طبعا المشاهدين (اللي احنا منهم) هل هناك تفسير لحاجه زي كده؟؟!!
يرد الدكتور يقول .. بس هو دكتور شاطر لان علاج سرطان البروستاتا بيعتمد علي
Gleason score ، هو لو low score يعني well differentiated يعني من ٢ ل ٤
علاجه castration.

لو هو moderate score يعني كام؟ زود ، ٢ يعني من ٥ ل ٧ علاجه بيبقي radical
prostatectomy استئصال البروستاتا كامله.

او high score من ٨ ل ١٠ علاجه نسيبه في حاله .. ممكن نشيله ال testes وحاجات
تانية ، و الاهم منها بنديله analgesic .. بنركبله قسطره عشان يعيش ما تبقي من حياته
من غير الم ومن غير urinary tract obstruction

Spread:

لان ال spread في اي سرطان بيبقي ايه ؟؟
direct لل near organ مين ال near organs ؟؟
يدخل في ال urethra يدخل في ال bladder واهم منهم بيبقي فيه perineural
spread ، ودا يدكوا فكره ان سرطان البروستاتا اشهر سرطان في الرجاله العواجز بيبقي
painless ولا painful ؟؟
highly painful

لحد دلوقتي ايه السرطانات اللي قولنا إنها painful ؟؟
parotid, pancreas, prostate and bone
اشمعنا دول؟! Perineural spread .

Lymphatic بيعت لل iliac LNs بيعت لل retro peritoneal LNs بيعت لل para
aortic LNs واحنا نقول regional LNs.

LBLBJ late <---- Blood

هقول ال Lung ولا ال Liver الأول ... اشمعنا ال lung الاول؟!
.systemic

ولكن ييجي في ال MCQ يقولك ال metastasis بتاعه سرطان البروستاتا للعضم العيان
بيشتكي من pathological fracture ولا ميشتكيش؟؟
لا...ليه ميشتكيش..لان هي osteosclerotic بتقوي العضمه اكتر من الطبيعي؛ لانها
بتطلع acid phosphatase اللي بيؤمر ال osteoblasts انها تطلع alkaline
.phosphatase

تقسيمه ال stages بتاعه carcinoma of the prostate تجاهلوه.
لان هي C cat.

في هذا ال topic هتلاقوا تحت NB كل ال staging system وال immuno
histochemistry لا يهتموكم ماعدا في ال cancer colon, Hodgkin's lymphoma
and cancer cervix.

ايه كمان؟
طبعا اللي حصله metastasis في الجسم كله علاجه ايه؟؟ س.. س
سبحه وسجاده، ملوش علاج لان خلاص حصل spread

علاج عيان البروستاتا بيعتمد علي ايه؟؟ Gleason score
لان ال Gleason score هو اللي بيحدد، مفيش عيان عنده سرطان بروستاتا من غير ما
ناخد منه biopsy و بناخدها من ال rectum
حد يعرف ليه؟؟ لان هو مبيطلعش الا من ال posterior lobe ، بنخرم ال rectum
بابره ٦ مرات يعني بهدله، من غير anesthesia ، فبالتالي ربنا ما يوريك.

فيه موضوع كده clinical .. ازاي يستئصلوا ال prostate كلها؟

عندنا في مصر عارفين ازاي؟؟
بيشيلوها مع ال urinary bladder اه والله
بيتشال ال prostate مع ال urinary bladder مع ال seminal vesicles مع ال
lymph nodes اللي حوالها فبالتالي عمليه سهله.

لكن بره بيعملوا حاجه اسمها stereotactic prostatectomy ايه دا ؟ ازاي !!
ادي ال prostate مشكلتها ان حوالها nerves كتيره عشان فيه حاجه اسمها
perineural spread ، بيبدووا يخشوا بمناظير و loops وحاجات تكبر؛ لان ال nerves

دي حضرتك ماتشوفهاش و يروحوا جايين ال nerves الي حوالها يقطعوها وبعد ما يقطعوا كل النيرفات الي حوالها يروحوا شايين ال prostate بال prostatic urethra الي جواها ... كده مفيش prostatic urethra .. يروحوا جايين قسطره مركبينها ومخيطين ال 2 urethrae علي بعض ... العمليه صعبه ومش manual دي حركات بالنانومتر stereotactic

عندنا بنعمل عمليه أأمن منها D: v: ... بنعمل ايه ؟؟

بنشيل ال bladder بال seminal vesicle بس المشكله العيان هيتبول ازاي !!؟؟
دايما بتعمل renal failure يا اما ileal bladder ودي بيسموها urinary diversion.

TUMORS OF THE TESTIS

اكتبوا علي التقسيمه category A حفظ.
كل تقسيمات ال tumors متهمناش الا في 5 organs حد يعرفهم ؟؟
liver, ovary, testis, bone & brain.

دي اسمها ايه؟؟ tumors of the testis فالتقسيمه دي عليك، كل سنه يجيك سؤال
كده في الامتحان يقولك:
enumerate 5 tumors arising from testis.
enumerate germ cell tumors of testis.
enumerate sex cord stromal tumors of testis.
فاحفظوها...

عشان نشرح ال tumors of the testis لازم نشرح ال embryology of testis الاول:

ما هي الوحده البنائيه لل testis؟؟ ... اي testis عباره seminiferous tubules ..
حد يعرف ايه الخلايا الموجوده جوا ال seminiferous tubules ؟ كلها germ cells
الي هي:
spermatogonia, primary spermatocyte, secondary spermatocyte & spermatids.
فدول كلهم germ cells ولكن بيبقي فيه شويه خلايا مثلته كده .. حد يعرف sertoli cells ؟
حد يعرف اسمها القديم؟؟ androblasts
يعني ايه؟ .. كانوا فاكرين ان هي دي الخليه الي بتطلع ال testis كلها ... مولده الذكوره

andro يعني man لو اسم واحد ... andro يعني الرجوله.

واتفقوا بعد كده ان الخلايا دي بتطلع mainly estrogen <-----
عشان كده بيعلموكوا ويقولوا عليها nursing cells خدتوا الكلام ده؟

وفيه خلايا تانيه موجوده بين ال tubules فييسموها interstitial cells واسمها التاني
leydig cells ودي بتطلع mainly androgen اللي هو في الصغيرين testosterone
ف ببساطه ال testis عبارته عن germ cells و non germ cells

ال tumors ..الكلام ده عشان ال MCQ ، لو لقيتوا tumor في ال testis لراجل يبغي
most probably و most commonly <---- benign ولا malignant ؟
malignant وطالع من ال germ cells ليه؟ ... لان لو لقيتوا tumor في مبيض ست
most commonly هيبقي benign وطالع من ال non germ cells لان ال tumors
of the testis زي هي ال tumors بتاعه ال ovary تقريبا.

CLASSIFICATION OF TESTICULAR TUMORS

هنبدأ في التقسيمه:

جالك راجل بيشتكي من tumor في ال testis ، من غير ما تبص عليه ومن غير ما تاخذ
biopsy <---- most commonly هيبقي malignant وطالع من ال germ cells .
جاتلك واحده ست عندها ورم في المبيض most commonly هيبقي benign و طالع من
ال non germ cells
لان ال benign tumors of testis دي very rare ومش طالع من ال germ cells.

1. Benign tumors:

LEYDIG CELL TUMOR

اول واحد في هذه ال tumors ال rare خالص هو دا، صغير ولونه yellowish و
capsulated.

اسمه interstitial cell tumor = leydig cell tumor
لان ال tumor دا عبارته عن proliferated leydig cells ودا benign

بيطلع في العيال الصغيره ...

شكله ايه؟

ال cell دي بت androgen secrete mainly ايه ؟
لو طلع في عيل صغير يعمل ايه؟ precocious puberty ، فيه فرق بين ال pseudo
وال precocious puberty ؟ اه.
ال precocious دي بلوغ ولكن قبل الاوان الواد ده عنده ٦ سنين ٧ سنين وبيبقى
عنده complete secondary sexual characters وبيبقى قصير مبيطولش، دي
اسمها precocious وبتيجي MCQ

ولكن هل ال benign tumor دا common ؟؟

لا ... very rare .

SERTOLI CELL TUMOR

علي الوزن فيه benign tumor تاني بيطلع من ال testis sex cord stromal
cells
زي اللي فات yellowish, capsulated, very rare ولكن طالع من ال sertoli cells
دي اللي بت secrete ايه ؟ estrogen
دا بيطلع في الصغيرين او الكبار مشكلته في الكبار لو طلع في راجل كبير بي secrete
estrogen هيعمل sterilization
هيبدا يحصله gynecomastia, fine silky hair, impotence, loss of libido, infertility.

زي عبد الحليم الله يرحمه ، بس عبد الحليم مكانش عنده tumor ده.
ده كان بسبب ال cirrhosis فيزيد عنده ال estrogen.

فيه tumors كتير اوى بتطلع very rare زي ال fibroma وال lipoma ، كل الكلام
ده very rare لأن ببساطة خالص لو لقيت tumor في testis بتاعة راجل يبقى
benign ولا malignant ؟؟؟ Most commonly malignant ومن ال germ cells.

2. Malignant tumors:

SEMINOMA

اشهر tumor بيطلع من ال germ cell، و seminoma وده اسم خاطئ؛ لأن هل هو benign؟؟ لا.. اكتبوا على ال category A seminoma .. نظري وجارو slide و class A واهم tumor فى ال testis، ولو لقيتوا seminoma فى مبيض ست يبقى اسمها dysgerminoma لأن ال testis عند الرأجل وال ovary عند الست الاتنين فيهم germ cells، ف ال germ cell اللى فى المبيض هى اللى فى ال testis ولو طلعت seminoma عند الست تبقى اسمها (dysgerminoma) ..
ال seminoma لوحدها ٤٠% من اورام (سرطانات) ال testis لأن معظم اورام ال testis ايه؟؟؟ سرطان يعنى malignant.

Definition

ال seminoma هو primary malignant neoplasm arising from germ cells
اقول ايه بين قوسين؟ (seminiferous) .. لأن لقي ال tumor ده بعنيا وتحت الميكروسكوب بيطلع من ال ovary عند الست بس يبقى اسمه dysgerminoma .. يبقى
ده primary malignant neoplasm arising from germ cells of testis (seminiferous) و لوحده ٤٠% ..

ال tumor ده الحمد لله ال prognosis بتاعه رائع لأن الورم ده بيتعالج من غير جراحة بال radiation بس .. لو لقيت واحد عنده seminoma وطبعا استئصلوا ال testis علشان يشخصوا ان ده seminoma وبعد كدة بال radiotherapy ال tumor مايرجعش .. بعد الاشعاع ال seminoma مابقتش مشكلة.

Etiology

ماعلقش ..

Pathology

ال testis دى solid organ ولا organ ليه mucosa؟؟ طالما solid يبقى ال tumor عامل ازاي؟؟

Infiltrating hemorrhagic necrotic friable mass، وما يميزه بيبقى فى الاول well circumscribed وما فيهوش areas of necrosis & hemorrhage كثير؛

علشان كدة بيبقى لونه فى الاول grayish white .. grayish brown .. كانوا زمان
 بيسموه potato tumor .. وعلشان ال tumor ده ال prognosis بتاعه كويس كان
 العيانيين بيعيشوا بيه لحد ما يوصل احجام كبيرة جداً واتوصف ان احد اللوردات فى انجلترا
 كان عنده bilateral seminoma وكان بيحط ال scrotum بتاعه فى عريية بعجلة
 ويروح بيها الاجتماعات لأن زمان مكانش فيه جراحة.

ال seminoma ده benign ؟؟ لا، طب ليه اخره oma ؟ لأنه ليه well
 circumscribed border فاتخدعوا وافتكروه capsule ، خدناها كثير .

تحت الميكروسكوب:

ال seminoma تنقسم classic وانواع تانية ..

Classic seminoma:

بتبقى عبارة عن group of large clear cells وليها abundant cytoplasm و ال
 nucleus بتبقى ليها prominent nucleolus .. separated by fibrous tissue ..
 containing benign lymphocytes يعنى الخلايا اللي جوة reactive .. ليه ؟؟ هى
 normally ال spermatogenic cells أو ال germ cells جهاز المناعة بيتعرف عليها
 ؟؟ لا .. لو اتجننت واحدة وعملت seminoma بتبدأ من اول لحظة تدخل الدم .. ف الدم
 هيتكون ضدها immune reaction ، فتيجى ال lymphocytes تهاجم ال tumor .

ودى تانى مرة ناخد malignant tumor جواه benign lymphocytes .. الاول كان
 lymphoepithelioma الى هو كان تبع ال nasopharyngeal carcinoma .. وخدنا
 قبل كدة benign tumor جواه benign lymphocytes وهو ال Adeno-
 lymphoma الى هو papillary cystadenoma lymphomatosum الى هو
 warthin's tumor .

Spermatocytic seminoma:

يختلف عن ال classic الى وريتهولكم فى حاجتين .. ان الخلايا malignant germ
 cells مش كلها large يعنى بتبقى mixture بين خلايا large وخلايا
 intermediate وخلايا bizarre (كبيرة اوى).

ده بيقلد اكر ولا مايقلدش ال normal germ cells ؟؟ أيوة، هل كل الخلايا جوة ال
 seminiferous tubules حجم واحد ؟؟ كل ما يحصل differentiation كل ما

تصغر .. ف النوع ده اسمه spermatocytic seminoma لأن الخلايا فيه mixture of cells وده مايبقاش فيه benign lymphocytes كثير .. وال prognosis بتاعه رائع .. مشكلته انه بيطلع فى سن كبير اوى يعنى ال seminoma تطلع بعد ٣٠ ل ٤٠ سنة ، هذه ال spermatocytic seminoma بتطلع للناس فوق ال ٦٠ سنة .. مشهوره اوى عند ال elderly males.

ال prognosis بتاعها احسن ولا بتاع ال classic ؟؟ ال spermatocytic احسن مع العلم ان ال lymphocytes الى فيها قليلة جداً .. بتيجى فى الامتحان class A والمقررة عليكم classic seminoma لأن فيه seminoma تانية جاي معاها malignant trophoblastic tissue وتلاقى معاها شوية argentaffin cells مايهمناش ..

لكن اهم حاجة ال classic وال spermatocytic seminoma .

Spread

زى اى tumor ال spread بتاعه direct هيروح فين ؟؟ Vas , Scrotum , Epididymis

Lymphatic بتبع ع طول ال para aortic lymph nodes ؛ علشان كدة لو حد عنده ورم فى ال testis ونجيب منها عينة من ال scrotum ولا من البطن ؟؟ مفيش حد ياخذ عينة من ال testis من ال scrotum لأن ال scrotum بي drain ال iliac lymph node .. لو جيت حضرتك وفتحت بالمشروط وخذت العينة من ال scrotum كدة هى بتعت ال para aortic node وحضرتك هتخليها كمان تبعت ال ilial .. اومال احنا بنأخذ ازاى biopsy ؟؟ بنفتح من ال inguinal canal ونشد ال spermatic cord ف تطلع ال testis وهنقطعها كلها يبقى هنا الجرح بي drain to para aortic nodes .. مفيش حد بيفتح ال scrotum .. ال scrotum مايتفتحش دلوقتى .

ايه كمان ؟ blood .. late .. هيبعت ال lung ولا ال liver ؟؟ lung طبعاً .. كل ال male genital system بيعت لل lung لأنه systemic organ .

Prognosis

ال prognosis بتاعها رائع .. مين الاحسن ال classic or spermatocytic ؟ spermatocytic ، الى بتطلع للصغيرين ولا للكبار ؟؟ الكبار اوى .. الى فيها lymphocytes ولا مفيهاش ؟؟ مفيهاش ، طبعاً ال staging system مش هقول ..

لأن خلى بالكم من ال germ cell tumor لأنه بيطلع من germ cells .

TERATOMA GROUP

انتو خدتوا teratoma في الترم الأول لكن مخدتوش teratoma group .. ال teratoma group دى مسئولة عن ٣٢% من اورام ال testis وبردو طالعة من ال germ cells .. لحد دلوقتى انا قلت كام مجموعة germ cell tumor؟ مجموعتين .. SEMINOMA ودى classic و spermatocytic و TERATOMA GROUP.

Mature teratoma:

اول نوع من ال teratoma group الى هو mature teratoma ، بيبقى عبارة عن cystic lesions ف ال testis .. عندكم جار .. وبيبقى mixture من خلايا تحت الميكروسكوب جاية من mesoderm او ectoderm او endoderm .. تلاقى ال testis بتاعة الراجل فيها شعر و bone و cartilage .. دى اسمها mature teratoma يعنى ايه mature ؟ كل الخلايا تحت الميكروسكوب benign يعنى مفيش .. criteria of anaplasia

Immature teratoma:

النوع التانى من ال teratoma group بيسموه immature teratoma ، يعنى ايه immature ؟؟ يعنى percentage لل tissue تحت الميكروسكوب malignant .. مش كلها malignant .. لحد دلوقتى كل ال teratoma group category B .. ال mature كل الخلايا تحت الميكروسكوب benign .. ال immature جزء منها بس malignant .

Embryonal carcinoma:

النوع الثالث من ال teratoma group ده بيبقى شكله highly malignant tumor بيطلع من ال testis .. تحت الميكروسكوب mixture of ectodermal , endodermal & mesodermal structures ولكن زى مانتو شايفين كل الخلايا تحت الميكروسكوب .. malignant

ال mature teratoma ايه هي ؟؟ ، mixture of mesodermal , endodermal , ectodermal cells ولكن الخلايا كلها تحت الميكروسكوب mature يعنى ايه ؟؟ يعنى benign .

اومال ال immature ؟؟ percentage of malignant tissue

اومال ال embryonic carcinoma ؟؟ كله malignant

Teratocarcinoma:

النوع الرابع يسموه terato carcinoma .. يعني ايه ؟؟ mixture mature
 teratoma + embryonic carcinoma .. تلاقى ال tumor مقسوم لاتنين .. جزء
 منه كله benign وجزء منه كله malignant.

Choriocarcinoma:

النوع الخامس يسموه chorio carcinoma يعني ايه ؟؟ يعني كل ال teratoma
 cells اتحورت الى malignant trophoblastic cells .. يعني ايه trophoblastic
 cells ؟ دي الخلايا اللى بتغطى ال chorionic villi .. الله !! هو فيه عند الراجل
 placenta ؟! لأ .. اومال ايه ؟! الفكرة كلها ان هنا فيه monodermal teratoma يعني
 ال germ cells كلها مشيت فى اتجاه واحد وساعتها الخلايا دي بتطلع HCG .. لو
 جينا عملنا للراجل pregnancy test هيطلع +ve ولا -ve ؟؟؟ Positive وفيه اعراض
 حمل بس ده مش حمل ولو عملته pregnancy test يطلع positive .. طب ازاي ؟؟
 دي اسمها choriocarcinoma .. ال teratoma تطلع فى ال testis وتبدأ الخلايا
 كلها تمشى فى اتجاه ال trophoblasts وهنا ال pregnancy test يبقى highly
 positive.

جالى واحد وانا فى ال andrology بيقولى اما بصحى الصبح بتبقى نفسى غمة عليا
 وعندى tingling sensation عند ال breast واعراض حمل .. ماتقولوش مبروك انت
 حامل .. رocht كاتبله pregnancy test بعد ما شوفت ان ال testis اليمين عنده
 كبيرة .. راح هناك .. ايه اخبار ال pregnancy test ؟؟ طلع highly positive لأن فيه
 حالة اسمها choriocarcinoma ودي واحدة من ال germ cell tumor, teratoma
 group لأنها عبارة عن teratoma والخلايا مشيت فى اتجاه malignancy ..
 . neoplastic differentiation

Carcinoid tumor:

النوع السادس carcinoid tumor .. ايه ده مش ال carcinoid ده locally
 malignant ؟؟ طالع منين ؟؟ Argentaffin cells أو neuroendocrine cells ، هو
 فيه neuroendocrine cells في ال testis ؟ لأ ، بس بردو دي teratoma وكل الخلايا
 بقت Argentaffin cells

هعيد تاني ال teratoma groups لأن دي التقسيمة اللي بييجيبوها في الامتحان
 enumerate اساميهم ب ٥ درجات:
 أول حاجة ال mature ، يعني ايه mature ؟ كل الخلايا benign تحت الميكروسكوب.
 تاني حاجة ال immature ، يعني ايه percentage of cells are malignant under the microscope
 embryonic cacinoma ، كلهم malignant .
 4. Teratogenic carcinoma mixture ، بين embryonic carcinoma و mature teratoma
 5. Choriocarcinoma monodermal teratoma يعني teratoma كل خلاياها
 مشيت في تكوين نوع من الخلايا.
 Carcinoid tumor زي ال chorio

YOLK SAC TUMOR

آخر نوع في ال germ cell tumor بيسموه ال yolk sac tumor ، ال yolk sac ده
 embryological structure ، حد يعرف شكله ؟ شكله بيبقى عامل زي ال glomeruli
 بتاعة الكلى ، ال yolk sac tumor ده malignant germ cell tumor بيتكون من
 malignant germ cells ولكن بترتب نفسها بهذا المنظر ، في معظم الأحيان حوالين ال
 blood vessels ، وفيه هنا طبقة من الخلايا بيسموها visceral layer وخلايا تانية
 بتعمل لنا parietal layer ، وده اشهر شكل ، بيسموه glomeruloid appearance
 لأن دي ال keyword اللي بنشخص بيها ال yolk sac tumor .

مافيش pathologist مايعرفش glomeruloid appearance ، لأن ال pathologist
 أول ما بيدخل القسم بيشخص Yolk sac tumor بس بيسموها أحسن إيه ؟ اكتبه احسن
 في الكتاب ، بيسموها Schiller Duval bodies

أنتو عندكم في ال 2 bodies : tumors of ovary and testis ، في حالة ال yolk sac ؛
 اسمها Shiller-Duval bodies وفي حالات ال granulosa cell tumor اسمها - Call
 Exner bodies .

كل ال teratoma groups دي category B بس لازم تعرف اساميهم كويس ، لأن لما
 تيجوا تجمعوا الأسامي كلها هيطلع لكم ال classification ، لو ذاكرتوا ال
 classification of tumors of the testis يطلع لكم classification of tumors
 of the ovary بس هتزدوا surface epithelial tumors .

TUMORS OF PENIS

اكتبوا عليها very rare ، بس احنا اخدنا حالة واحدة بيحصل فيها tumors of the penis وهي ال phimosi .

بشكل عام باقي ال category B : male genital system وما ينزلش written بيتسأل .oral

HYDROCELE

اكتب عليها jar

كلمة hydro يعني مياة ، و cele - يعني sac ، لكن لو هنطبقها مجازا فيقصد بيها tunica vaginalis sac .

ال hydrocele : accumulation of serous fluid in tunica vaginalis sac مية على الخصية .

إيه سببها؟

في معظم الأحيان primary يعني من غير سبب ، ممكن يبقى congenital ، يعني Normally ال tunica vaginalis دي حته من ال peritoneal cavity ، ال testis خدتها معاها ونزلت بيها وكان بيوصل ال peritoneal cavity بال tunica vaginalis embryological structure اسمه processus vaginalis

فلو فيه ناس اتولدوا عندهم ال processus vaginalis ماتقفلتش ، ساعتها المياة اللي في ال peritoneum هتنزل جوة ال tunica vaginalis

يعني ممكن يبقى primary مش مهم .. congenital .. مش مهم.
secondary: ال tunica vaginalis اول طبقة في ال testis ، أي disease في ال testis هيعملنا hydrocele يعني لو واحد حصله إصابة في ال testis يعني >> trauma hydrocele
لو عنده tumor هيبقي presented ب hydrocele ، لو فيه inflammation هيبقي

hydrocele بpresented ، لو حصل torsion في ال testis هيجصل hydrocele

عاملة زي مين بالضبط؟ زي ال pleura ، أي diseases في ال lung هيعملنا pleural effusion ، على العموم .. ليه بقول ال hydrocele ؟
 عشان عندكم جار، مشكلة ال hydrocele مياه في ال tunica vaginalis ، ومين اللي لازقة على ال tunica vaginalis ؟ ال testis ، فبالتالي أول effect هيجصل pressure atrophy of the testis ، فده أخطر شئ، sac مملانة مياه ..

أو ممكن يحصل secondary bacterial infection ويبقى فيه صديد.

إزاي بنعالج ال hydrocele ؟

primary , congenital , secondary إحنا بنعالج السبب الأول وبعد كدة علاجه
 eversion of tunica ، ماحدش بيخش بإبرة في ال surgery في ال scrotum ، احنا
 بنفتح في ال inguinal canal ونشد ال testis بال tunica vaginalis ، ونقوم فاتحين
 ال tunica vaginalis ، فاتحينها كدة بال parietal layer ، ونقوم مخيطين ال ٢
 layers مع ال testis بالعكس ، دي اسمها eversion ، عشان كدة بنخلي ال inner
 surface بقى outer فالماية تنزل وتمتص عن طريق ال scrotal veins وهو ده العلاج، لو
 حطيت إبرة وشفطها بعدها ب ٥ دقائق هتكون أكثر ، وفيه secondary infection ولو
 فيه tumor فتهبقى عملت spread لل scrotum

VARICOCELE

اكتبوا عليها category B ومعدكوش منها Jar ولا حاجة، ال varicocele هي دوالي
 الخصية

Dilatation, elongation, and tortuosity of Pampini-form plexus of
 veins.

إيه السبب؟

في معظم الأحيان primary ، يعني إيه؟ من غير سبب، ودى common في young
 males وسببها unrelieved sexual excitation .
 ال varicocele ال primary ده شيء طبيعي = a common find ، بتبقى أكثر في الخصية

اليمين ولا الشمال؟ الشمال.

لكن فيه حاجة اسمها 2ry varicocele، دي تهمنا في condition واحدة : لو فيه left renal cell carcinoma بتبقى دي early manifestation. لما يجيلك راجل عجوز مكانش عنده lt. varicocele ولا كبر جاله تقدر تقول ان ده unrelieved sexual excitement؟ لأ. يعني فيه ناس يشخصوها varicocele ويعملوا له عملية varicocelectomy اللي اتلغت المفروض من الطب؛ لأن ملهاش أي قيمة. زي الصورة دي، أي شغل عالخصية بنفتح في scrotum؟ لأ، بنعمل inguinal incision. اللي هو ماسكه ده spermatic cord، كل dilated elongated vein يروح قاطعه ومخيّط، ويروح مخيّط الجرح، بعدها بيومين ثلاثة ترجع ال varicocele عاملة زي piles، هو انت عرفت السبب؟ لأ السبب مش معروف primary.

هل ال varicocele بتعمل حاجة؟ بيينا وبين بعض No effect، بس لأن ده classic teaching المؤلف كاتب انها ممكن تعمل Hypo-spermatogenesis ممكن تؤدي إلى infertility، ده كلام في الطراوة، الكلام ده اتلغى من ٦٠ سنة، وعشان كده كان زمان أشهر عملية بيعملوها بتوع الذكورة كانت عملية varicocelectomy. فيه دراسة اتعملت في حدود ١١ سنة على نسبة كبيرة جدا من ناس اتعمل لهم varicocelectomy لقوا إن أكثر من ٩٠% من اللي كان عندهم واتعمل لهم العملية infertility وال semen analysis اتبهدلوا، والناس اللي كانوا ٧% أو أقل حصل عندهم تحسن وفيه ٣% أو أقل مفرقتش.

ال varicocele مبتعملش حاجة وهي not associated مع infertility ولكن بتوع andrology يبرّجوا انها بتعمل infertility عشان يشتغلوا، ولكن قللكم شفنا كثير اتبهدلوا بعد ال varicocelectomy، طيّب فيه عيانيين بيتحسنوا؟ آه! ازاي؟ we don't know لأن بالعقل هل ال varicocelectomy تصلح ال varicocele ولا تبهدله؟ تبهدله؛ لأن ال normal venous drainage of testis عن طريق ال pampini-form بتبقى dilated، انت بالعملية دي بتعمل لهم ايه؟ بتقطعه، فيتكّون new varicoses فكأن يحصل congestion جّواهم، حد فاهم حاجة؟ ولكن على مستواكم انتوا في ال MCQs هل ال varicocele بتعمل infertility؟ آه وبعد كده استغفر ربنا لما تخرج من اللجنة v:

ازاي الولاد يعرفوا ان عندهم varicocele؟ ال scrotum يلاقوه فيه حاجة اسمها bag worm sensation، زمان لما كانوا ببيجوا يصطادوا سمك يحطّوا الدود في كيس قماش عشان ميموتش، فالراجل اللي وصف ال varicocele وصف ال scrotum كأنه كيس وجواه دود، إيه الدود ده؟ ال dilated elongated tortuous veins. مفهوم؟ ال varicocele ملهاش أي قيمة غير عندنا في الباثولوجي انها early manifestation of lt. renal

.carcinoma

باقي المواضيع مشطوبة من عليكم (من عليهم 3: مش احنا ..)

DISEASE OF FEMAL GENITAL SYSTEM

من الشباتر المهمة جدا ومفيهاش حاجة مشطوبة خالص، طب ينفع قسم الباثولوجي يشطب حاجة من ال female genital system؟ لأ، هتيجي عندك مادة اسمها gynecology & obstetrics يعنى نسا وتوليد، ييجوا يشرحوا لحضرتك أي حاجة فتيجي حضرتك مسمعتوش، بتوع النسا ميعرفوش يشرحولك الكلام اللي هقوله؟ مينفعش، ميعرفوش يشرحوا disease إلا على مستوى ال signs وال symptoms فانت مش عارف ال basis.

وطب النساء ده من التخصصات الرائعة وأنصح بيه للبنات ومنصحش بيه للولاد، الشباتر سهل جدا في فهمه ولكن صعوبته في التعامل مع الستات، أنا رفضت اني أنتمي لعيلة كلها بتوع نسا ورفضت اشتغلها، لأن التعامل مع الستات ده عذاب ولا يفّل الحديد إلا الحديد V:، ست تروح عند ست يفهموا بعض المشكلة كلها لو استفردت براجل، يبهدلوه. ولكن معظم الستات لا تثق في الستات، تلاقيها وقت المتابعة جوزها يقول لها عايزين نتابع مع واحدة ست تقول له طبعاً يا اخويا ووقت الولادة تقول له عايزين نشوف واحد راجل بقى V: وده عيب مين؟ عيب الدكاترة الستات! لأنه لازم يكون عندهم self confidence كده، ده شغل النسا ده لعب عيال وحاجة رائعة فيها مخّ كثير وأكل عيشها زي الفل V:

الأول هشرح حته anatomy في cervix، ده شكل ال normal female genital system، ده ال uterus واسمه باللاتيني Hysterus، مش بيقوللك الست دي عملناها hysterectomy؟ hysterus يعني بندول، يعني رقص الساعة؛ لأن لما شَرّحوا الست لقوا عندها ال organ اللي هو ال uterus متغطّي بملاية اللي هو ال broad ligament بييجي يمين وشمال، قاللك ده ال organ المسؤول عن ال dancing، أي كلام.

اللي يهمنّا ال cervix عنق الرحم لأنه لما نيجي نرسمه هنلاقيه جزئين:

* Ectocervix وده اللي بارز في ال vagina، ونوع ال epithelium بتاعه st. squamous.

* وجزء مقفول مش مفتوح اسمه endocervix، مبيحصلش فيه sexual intercourse، مبيفتحش إلا وقت ال delivery ووقت ال period، وده معمول من -single layer of mucin-secreting columnar cells. ولو نبصّ عال cervix بال cusco's



speculum تعرفوه؟ ده منظار عامل زي منقار البطة، عامل كده ليه؟ ليه anterior و posterior parts، مش مهم.

كثير أوي من الستات دكاترة النسا بيتعبوا الستات لأنهم مش فاهمين أناتومي أمّا يجوا يدخلوه، هم فكرتهم بيفتحوا vaginal لأن vaginal عبارة عن anterior and posterior walls، فالستات اللي مش فاهمة تدخله غلط، لأن vaginal في female اللي هي labia majora & minora دي مش anterior & posterior walls دي 2 lateral walls، حد فاهم حاجة؟ المفروض لما تمسك الcusco تروح قاله بحيث يدخل الأول كده (بيكون مقفول) أول ما تخش vaginal تروح قاله وبعد كده تروح فاتحه فتشوف cervix، أما تشوفه من vaginal ببان للنظر كده: كل ده ectocervix واللي جوه ده endo، لأن أول مرض يهمنّا وهو أكل عيش دكاترة النسا ومبيتعالجش بالantibiotics، الinflammation الوحيد اللي بيتعالجش بالantibiotics حاجة اسمها cervicitis.

CERVICITIS

اكتبوا عليه category A


هو inflammation of the cervix، ولكن مين أكثر حته بيضرب فيها الinflammation؟ endo؛ لأن جواه gland زي ما هنشوف.

Mode of transmission

* ممكن يكون sexually transmitted زي Gonorrhea متهمّناش،
* اللي يهمنّا هو Non-sexually transmitted يعني الstaph والstrept وكل ده،
يعني الnon-specific لأن مفيش female لو ولدت مرة واحدة إلا ولازم يجيلها cervicitis؛ ليه؟ لأن مع نزول راس الطفل من cervix هيتقطع الectocervix،
اشمعنا؟ لأن هو آخر حته في cervix، لما راس الطفل تنزل هيتقطع الectocervix اللي هو st. squamous epithelium.

Grossly

ساعتها الست دي هتلاقي ال cervix: swollen و hyperemic و covered with pus ولكن ركزوا بقى في اللي هقوله دلوقتي لأن ده فهم cervicitis في الستات. دلوقتي الحته دي اللي اتقطعت دي ecto و لا endo؟ Ecto، دلوقتي محتاجة تعوض، المفروض مين يعوضها؟ stratified squamous بتاع ecto، ولكن هيحصل منافسة ما بين ال st. squamous بتاع ecto و ال columnar بتاع endo، مين هيكسب السباق؟ ال columnar؛ طيب ليه؟ لأنه single layer، فبالتالي هيروح طالع ومغطي حته من ecto، دي هيشوفها دكتور النسا على شكل حته حمراء على ال ecto، ليه؟ لأن ده single layer و transparent فبنشوف من خلاله ال inflammation اللي موجود، فسموها بتوع النسا:




1. Cervical erosion

آدي صورته، حد شايف حاجة حمراء حوالين ال endocervix؟ حته حمراء اسمها cervical erosion هي حته حمراء على ال ectocervix متغطية بال epithelium، الست هتشوف

حاجة؟ لأ. بس بتيجي تشكي في المرحلة دي، هتشكي من إيه؟ contact bleeding، يعني إيه؟ يعني bleeding after sexual contact. ليه contact bleeding؟ لأن في ال cervical erosion دي بقت متغطية ب columnar، طيب هل ربنا خلق ال columnar بيستحمل ال fraction أثناء ال inter-course؟ لأ، طب وبعدين؟ أول كلمة ومهمة اسمها ال cervical erosion، هل هي ulcer مفيهاش epithelium؟ لأ، فيها ولكن ال columnar. بعد كده ال st. squamous هيلقي ال columnar العبيط دخل في حته ومفيش inhibition لل layer اللي فوقه، فيروح ال st. squamous طالع فوق ال columnar، هو بيحصل squamous metaplasia، بس خيلنا نفهمها كده. لو طلع فوق ال columnar هو ال columnar بيغطي مين؟ ال endo، بس بين ال endo و ال ecto فيه حاجة اسمها Nabothian glands، Multi-branched glands سمعتوا عنها دي؟ ساعتها لو جه ال squamous يغطي ال columnar هيسدّ ال opening بتاعة ال gland دي، فالست يظهر عندها الكلمة الثانية. طب شايفين ال erosion ده؟ بيسموه دكاترة النسا قرحة عنق الرحم. طيب شايفين البظايط البيضاء دي؟ دي اسمها:

2. Nabothian cyst

دي عبارة عن retention cyst، ال sq. غطى ال mucus secretion لل gland اتسدّت فبدأت تعمل cyst.



لحد دلوقتي قلت كام كلمة في cervicitis؟ اتنين :

1. Cervical erosion. 2. Nabothian cyst.

3. Squamous Metaplasia and dysplasia

دي احنا already قلناها في the endocervix، ودي اللي عملت Nabothian cyst. طيب طالما كده يبقى الموضوع إيه؟ **Precancerous**.

نتيجة انه الcolumnar متكاثر والsquamous متكاثر أو hyperplastic metaplasia هتظهر الكلمة الرابعة، يبدأ يظهر زائدة لحمية واحدة أو اتنين من the endocervix:

4. Polypoid cervicitis

أو يسموها endocervical polyp؛ لأن دي زي أي polyp بتبقى single أو multiple، مقصوفة الرقبة sessile أو pedunculated برقبة، ويبقى لونها reddish friable. تحت الميكروسكوب proliferated columnar، يعني mucus gland و st. squamous، ما هو ده اللي عملها polyp، و inflammatory cells.

5. Ectropion

الكلمة الخامسة ان الكلام ده كله يبدأ heal by fibrosis، الfibrous tissue بعد شوية contract، أما يظهر المنظر ده، يروح الectocervix مفتوح، يتشد، يحصل eversion يسموا الحركة دي ectropion، يعني فتح عنق الرحم. ساعتها الست دي بعد كده لو حملت، بعد الشهر الثاني لما الطفل يتقل تشتكي من habitual abortion، هتسقط.

يبقى لحد دلوقتي: cervical erosion، بعدين Nabothian cyst، squamous metaplasia and dysplasia، يحصل polypoid cervicitis، يحصل ectropion.. آخر كلمة:


6. Persistent discharge

الفترة دي كلها الست عمالة تنزل discharge لونه أبيض، وريحته مش offensive أوي، يسموا هذا الdischarge: **Leucorrhea**. يعني white discharge معظمه يبقى pus.

Complications

إليه المشكلة بقي لما يجيلها cervicitis؟

١. أول حاجة contact bleeding، hemorrhage يعني.
 ٢. Spread of infection ماحنا ماشيين بالاسطمبات.
 ٣. طبعا precancerous .
 ٤. لو وصلت للectropion هتشتكي من Habitual abortion.
- طيب نديها antibiotic؟ لأ أنا مش بتكلم على الectropion، بتكلم على cervicitis اللي بييجي لكل الستات اللي ولدت، أي ست لو ولدت vaginal normal delivery هيتقطع الendocervix، مع الdistention عالhip يحصل لها laceration عالectocervix فتدخل في cervicitis.



علاجه مش بالanti-biotics، علاجه بآله تمنها ٣٥ جنيه، الآلة اللي قدامكوا دي اسمها cautery، دي عبارة عن adapter وفيه مسدس تدوس عليه، يوصل الكهرباء عالحديد، دي يبقى حدود حرارتها ٤٥٠، يروحوا جايين الست وحاطينها في الLithotomy position، عارفين يعني إيه؟ اللي هو flexion of the hip and external rotation and abduction of the knee، يروحوا جايين الcusco ويروحوا فاتحين بيه vaginal من غير anesthesia ويروحوا دايسين عالزرار، فالحة الحديد تحمّر وتوصل حرارتها ل٤٥٠ ويروحوا حارقين الحتة الحمرا ويخشوا جوه شوية؛ ليه؟ فيه دكاترة نسا في دماغهم إن الcautery بيموت البكتيريا، احنا بنستخدمه ليه؟ عشان نرجع الموضوع زي ما كان ونحرق شوية الcolumnar عشان نأخّره وندي فرصة للسquamous انه يغطي. بس تدي بقي anti-biotic وحاجات تانية عشان الectropion infection طبعا.

لو وصل للectropion مينفعش، يبقى إيه علاجه ساعتها؟ لو الست عايزة تحمل ييجوا بعد الشهر التالت يعملوا لها ربط لعنق الرحم، بس لازم يفكوه طبعا قبل الولادة؛ عشان يحصل الrupture of the uterus حتى لو هتولد caesarian section، مفيش حد لواحدة عندها habitual abortion يعمل لها ربط بعد الabortion، أmaal هتحمّل ازاي؟!

العملية دي أكل عيش دكاترة النساء، بيسموها عملية كيّ عنق الرحم وبتعمل من غير anesthesia، ليه؟ عشان الcervix is insensitive to pain، عنق الرحم مبيحسش بالألم، بنجيب الست وأول ما نمسك الcautery نحرق بيه وتسمع تش وتشوف دخان زي كل ست تتخضّ v:

الaverage عندنا بقي في مصر بيعملوه بكام؟ ٣٥٠ جنيه، وشوف بيعملوا كام واحدة في

اليوم، قول ١٠ أو ١٥: دي أكل عيش دكاترة النساء، عملية بتأخذ ثواني وبتأخذ فيها أدّ كده.

يا جماعة دي مش مراحل زي مانتوا متخيلين، هي الفكرة كلها فيه ectropion ولا مفيش، لو وصلنا لـ ectropion بنعمل كيّ، لكن مش عشان نصلح الـ ectropion، انما عشان نوقف الـ progression بتاعه.

فيه موضوع آخر اسمه other infections of female genital system زي Gonorrhea، لأن هو C.

TUMORS OF THE UTERUS

دي التقسيمة بتاعتها مش C، لكن مش مهم؛ لأن أشهر benign tumor بيطلع في uterus أو cervix هو leiomyoma اللي خدناه الترم الأول، وهنأخده تاني، لكن أشهر tumor يهنا هو cancer cervix.

CARCINOMA OF THE CERVIX

اكتبوا عليه category A، نظري Jar و case، لأن ده السرطان الوحيد اللي نجحوا في اكتشافه في مرحلة الصفر.

Definition:

مين يقول الـ definition بتاع carcinoma of the cervix اللي هو مأخذهوش؟
Primary malignant neoplasm arising from cervix.
وده سرطان سيء السمعة والأخلاق، كانوا زمان بيسموه cancer of morality، يعني سرطان القيم والأخلاق، كانوا بيقيسوا القيم والأخلاق في كل مجتمع بنسبة سرطان عنق الرحم، لأن ده كان أشهر سرطان في prostitutes، وأشهر سرطان في الـ Multi-parous women الستات اللي خلفت كتير؛ لأن اللي تخلف كتير مع كل خلفه يجيلها cervicitis والستات اللي متخلفش كتير يجيلها cancer endometrium، سرطان الراهبات.

Etiology:

The exact etiology is unknown, however the following are

predisposing factors:

1. Age: Above 40.

2. Sex: متعلّقش، اللي يقول more common in females يبقى عبط V: لكن إيه اللي يغلس؟ سبع حاجات، ٣ في الست وواحدة في الرجل، و ٣ أمراض. predisposing factors السبعة بسبع درجات.

1. Females with early age of first intercourse.

بيترجموها بالعربي females with early age of marriage اللي هو الزواج، يقولوا عشان في مصر بيجوزوا البنات في سن بدري، احنا عندنا cancer cervix في مصر نادر، مبنشوفهوش. Early age of marriage نقصد بيها كام يعني؟ مش بيبقى marriage أصلاً ده abuse يعني في سن خمس أو ٦ سنين، لكن بنت تتجوز في سن ١٥ أو ١٦ سنة ده normal مش early age. انتوا بالنسبة لكو early age ٤٥ v:

2. Females with multiple sexual partners.

تبقى Prostitute لأنه نقصد multiple sexual partners at the same time ، لأن في أي ديانة سماوية لو أي ست توفى عندها زوجها لازم تستنى بعده فترة، عشان تريّج cervix من irritation، بيسموا الفترة دي في الإسلام بالعدّة، ودي سبحانه الله زمان كان يقول حتى يبرأ الرحم، ولقيناها في الطب لازم تستنى عشان تقلل excitement by different DNAs of sperms. فنقصد بيها female with multiple sexual partners at the same time ؛ لأن الفكرة فيها في irritation by different DNA of different sperms.

3. Multiparous females.

يعني في الست اللي بتولد كثير، طيب ولما تولد كثير؟ بيحصل cervicitis كثير. يبقى في female برضه، لحد دلوقتي عدينا ٣ أسباب في females.

4. High risk male sexual partners (Uncircumscribed males):

دي حاجة في الرجل، الرجل اللي متجوز لكنه uncircumcised ليه؟ لأن ساعتها prepuce بيطلع مادّه كريمة اسمها ودي carcinogenic على cervix.

كده ناقصنا الثلاثة diseases:

5. Chronic cervicitis

ده طبعا عشان multiparous females.

6. Human papilloma virus

وده high risk group، ودلوقتي فيه تطعيم في أستراليا بيدوه لكل البنات، تطعيم ضد الserotypes اللي هم 16, 18, 31.

7. CIN

دي زمان كانوا بيعتبروها predisposing factor لكن دلوقتي بنعتبرها pathology.

Pathology:

- site: لو ينفج cancer cervix يطلع أكثر من endo ولا ecto؟ مين العرضة أكثر للإrritation؟

ecto ٩٠% و أقل من ١٠% endo.

- هو ده السرطان اللي بيكتشفوه في مرحلة الصفر؛ عشان كده دلوقتي احنا بنكتشفه في مرحلة CIN اللي هي cervical intraepithelial neoplasia، يعني بنلاقي malignant cells في st. squamous epi. في ecto، ولكن no invasion of the Basement membrane

- ودي حضرتك احنا قسمناها في الترم الأول لتلات أنواع:

* لو الخلايا الوحشة واحدة تلت الlower thickness نسميها CIN-I أو mild.

* لو واحدة تلتين الthickness يسموها CIN-II

* لو واحدة full thickness تبقى CIN-III

أهم كلمة with ولا without؟ without؛ لأن دي grossly مبنشوفش حاجة، بتكتشف بالpap smear أو بالbiopsy، لأن بعد كده بتخش في invasive، لغاية دلوقتي وقبل ما يدخل في invasive يبقى علاجه سهل، وهوريكوا العملية بعد دقيقة واحدة.

Grossly:

طبعا زي أي سرطان في معظم الأحيان يطلع من ecto ولا من endo؟ ecto، ويبقى Exophytic، يعني إيه؟ polypoid, fungating, friable mass, necrotic, and hemorrhagic.

خدنا قبل كده تقسيمة الendophytic والexophytic فين؟ squamous cell carcinoma of the tongue.

لأن في endocervix خدناه ممكن يبقى endophytic، يعني إيه؟ يعني malignant ulcer أو infiltrating.

Microscopically:

تحت الميكروسكوب اللي قدامكوا ده طالع من ecto يبقى **exophytic** ، يعني
 polypoid fungating
 وفي الصورة الثانية دي malignant ulcer وده عندكوا Jar بتاع cervical carcinoma ،
 لأن ممكن يا دكاترة تحت الميكروسكوب بنشوف إيه؟ ممكن نلاقي adeno؟ rare ولو لقينا
 هيبقى طالع من endo ، لكن في معظم الأحيان هي squamous .
 وممكن نلاقي الاثنين مع بعض يعني adenosquamous وممكن نلاقي
 Undifferentiated .

Spread:

ال spread في أي سرطان يا إما:
 Direct- : nearby organs ، ولازم يقولها بالتفصيل ، من قدام لو فيه cancer cervix
 يخش عالbladder ، ومن ورا الrectum ، ومن تحت الvagina ، ومن فوق الcervix ،
 وlaterally هيبداً يخش في الureter ، وده كان أشهر سبب يموت الستات زمان بتوع
 cancer cervix وهو الchronic renal failure .
 - الlymphatic بيعت للregional lymph nodes اللي هي الiliac وpara aortic .
 - الblood بيعت للLung وLung وLiver الأول؟ lung طبعا .

Staging:

بس هنا هتلاقوا الstaging ، ركزوا بقى لأن الstaging ده عندكوا مطالبين بيه ، لأن انتوا
 بتشخصوا jar الcancer cervix stage 4 ، سهل جدا .
 الstaging بتاع الcancer cervix بـ diagram سهل أوي ، آدي ده الuterus وده
 الcervix تقسموا الcancer ده لخمس مراحل:
 - Stage 0 (zero): ده في أي سرطان اسمه CIN .
 - Stage 1: localized in the cervix .
 - Stage 2: upper vagina .
 - Stage 3: lateral pelvic wall .
 - Stage 4: حاجة من ٣:
 * يا دخل في الbladder قدام ،
 * يا دخل في الrectum من ورا .
 * يا إما distant spread .

يعني معني كده انتوا عندكوا 2 jars فيهم cancer cervix واحد داخل في الbladder
 من قدام وواحد داخل في الrectum من ورا ، ليه؟ لأن التقسيمة دي كانوا بيعالجوا بيها
 العيانيين زمان ؛ لأن إيه أكثر حاجة كانت تموتهم؟ الuremia اللي هو الchronic renal
 failure ، بسبب الureter ، أو الtoxemia ؛ لأن وهو طالع من الcervix بتتحوش الدورة

ويتحَوَّش necrotic material ال uterus صديد.

كان زمان علاجه انهم يشيلوا العفشة كلها؛ يشيلوا uterus وال ovaries والتubes وحتى لو وصل لل urinary bladder بيثيلوها، دلوقي علاجه في منتهى البساطة:

cancer cervix لحد دلوقتي stage 1 بيعالجوه بحاجة اسمها LEEP operation. دلوقتي أهمية cancer cervix انه بيتعالج لو هو CIN أو stage 1 وفيه ناس قالت stage 2، بعملية اسمها LEEP operation اختصار [Loop Electrosurgical](#) [Excision Procedure](#)، بتتعمل من غير anesthesia خالص، **بتتعمل ازاي؟**

أهو هما دلوقتي جوه vagina حد شايف قشارة البطاطس دي؟ يروحوا مقشرين بيها ectocervix كأنها بطاطساية، ويروحوا قاطعين ال ecto بال epithelium بال-sub، ويروحوا واخدين الحتة دي، حد شايف حاجات بتطلع في النص كده؟ ده الدم، عارفين جهاز ال cautery اللي كانوا بيستخدموه قبل كده؟ يروحوا جايين كاويين الحتة دي، حمد الله عالسلامة، الست كده خلاص اتعالجت من cancer cervix بدل ما كانوا زمان بيثيلوا العفشة كلها.

اللي شالوه ده هو ال ecto لأن ال commonest site بتاعه هو ال ecto وال-sub epithelium بتاعه؛ عشان حتى لو فيه invasion في stage 1 يروحوا شايلين و without anesthesia. طيب لو stage 2 بقى؟ الموضوع اتبهدل بقى فيشيلوا العفشة كلها. عشان كده برّه عندهم Routine PAP stain؛ عشان لو اكتشفوه في ال CIN أو stage 1 يعالجوه ب procedure بتاخذ خمس ثواني.